



Vogošća, ul. Jošanička, br. 80; tel: 00387 33 586 413, fax: 586 418

Broj: 07/2-14-2052/19  
Vogošća, 16.06.2020. godine

Na osnovu člana 69. stav 2. pod d), člana 70. stav 4. Zakona o javnim nabavkama BiH ("Službeni glasnik BiH" broj: 39/14), Rješenja Ureda za razmatranje žalbi BiH-Filijala Mostar broj: JN2-03-07-1-1072-7/20 od 28.05.2020. godine i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 16.06.2020. godine donio je

**ODLUKU**  
**O PONIŠTENJU POSTUPKA JAVNE NABAVKE USLUGE UNAJMLJIVANJA UREĐAJA ZA**  
**POSLOVE CENTRALIZIRANOG PRINTANJA, KOPIRANJA I SKENIRANJA, KOJI ĆE BITI**  
**INSTALIRANI U ZGRADI OPĆINE VOGOŠĆA**

**Član 1.**

Poništava se Otvoreni postupak javne nabavke usluge unajmljivanja uređaja za poslove centraliziranog printanja, kopiranja i skeniranja, koji će biti instalirani u zgradi Općine Vogošća broj: 07/2-14-2052/19, jer nijedna od pristiglih ponuda nije prihvatljiva.

**Član 2.**

Ovom Odlukom stavlja se van snage Odluka o izboru najpovoljnijeg ponuđača za pružanje usluge unajmljivanja uređaja za poslove centraliziranog printanja, kopiranja i skeniranja, koji će biti instalirani u zgradi Općine Vogošća broj: 07/2-14-2052/19 od 09.04.2020. godine.

**Član 3.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 11.12.2019. godine donio Odluku o pokretanju Otvorenog postupka nabavke usluge unajmljivanja uređaja za poslove centraliziranog printanja, kopiranja i skeniranja, koji će biti instalirani u zgradi Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 13.12.2019. godine pod brojem: 1353-1-2-234-3-173/19.

Sažetak Obavještenja o nabavci objavljen je u "Službenom glasniku BiH" broj: 83/19 od 20.12.2019. godine.

Nakon provedene Zakonom propisane procedure, dana 09.04.2020. godine Općina Vogošća kao ugovorni organ je donijela Odluku o izboru najpovoljnijeg ponuđača broj: 07/2-14-2052/19, kojom je kao najpovoljniju ponudu u Otvorenom postupku nabavke usluge unajmljivanja uređaja za poslove centraliziranog printanja, kopiranja i skeniranja, koji će biti instalirani u zgradi Općine Vogošća ocijenila ponudu ponuđača "Kamer Commerce" d.o.o. Sarajevo, kao trećerangiranu na Rang listi, sa ponuđenom ukupnom cijenom nabavke u iznosu od 42.600,00 KM bez uračunatog PDV-a, odnosno 49.842,00 KM sa uračunatim PDV-om.

Na predmetnu Odluku izjavljena je žalba od strane ponuđača "Printex" d.o.o. Sarajevo dana 21.04.2020. godine, zastupanog po punomoćniku Advokatskom društvu Eterović d.o.o. Sarajevo.

Dana 24.04.2020. godine Općinski načelnik, rješavajući po Žalbi izjavljenoj od strane "Printex" d.o.o. Sarajevo, zastupan po punomoćniku Advokatskom društvu Eterović d.o.o. Sarajevo na osnovu čl. 97. i 100. stav 2. Zakona o javnim nabavkama BiH ("Službeni glasnik BiH" broj: 39/14), Rješenja Ureda za razmatranje žalbi BiH-Filijala Mostar broj: JN2-03-07-1-569-8/19 od 26.03.2020. godine, čl. 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst 14/15) i člana 218. Zakona o upravnom postupku Federacije BiH ("Službene novine Federacije BiH", broj: 2/98 i 48/99) je donio Zaključak broj: 07/2-14-2052/19, kojim se Žalba žalitelja "Printex" d.o.o. Sarajevo odbacuje zbog nedostatka aktivne legitimacije žalitelja.

Na predmetni Zaključak ugovornog organa izjavljena je Žalba ponuđača "Printex" d.o.o. Sarajevo, zastupan po punomoćniku Advokatskom društvu Eterović d.o.o. Sarajevo dana 05.05.2020. godine.

Ured za razmatranje žalbi BiH-Filijala Mostar, rješavajući po žalbi Žalitelja "Printex" d.o.o. Sarajevo je dana 28.05.2020. godine donio Rješenje broj: JN2-03-07-1-1072-7/20, kojim se usvaja žalba Žalitelja "Printex" d.o.o. Sarajevo i poništava Zaključak ugovornog organa Općina Vogošća broj: 07/2-14-2052/19 od 24.04.2020. godine, te predmet vraća na ponovno odlučivanje ugovornom organu uz napomenu da ugovorni organ u ponovnom postupku riješi žalbu Žalitelja od 19.04.2020. godine, izjavljenu na Odluku o izboru najpovoljnijeg ponuđača broj: 07/2-14-2052/19 od 09.04.2020. godine, te da postupak bude okončan u skladu sa zakonskim i podzakonskim propisima iz oblasti javnih nabavki.

Postupajući u skladu sa članom 60. Zakona o javnim nabavkama BiH ("Službeni glasnik BiH", broj 39/14) i u skladu sa tačkom 8.7.1.TD-period važenja ponude, kojom je propisano da je rok važenja ponuda 90 dana, računajući od isteka roka za podnošenje ponuda, a usljed činjenice da je period važenja ponuda ponuđača "Kamer Commerce" d.o.o. Sarajevo i "Imtec" d.o.o. Sarajevo usljed izjavljivanih žalbi ponuđača u predmetnom postupku istekao dana 30.03.2020. godine, ugovorni organ je dana 12.06.2020. godine pismenim putem pozvao gore spomenute ponuđače da se najkasnije u roku od 24 sata od zaprimanja zahtjeva, pisanim putem izjasne da li pristaju na produženje svojih ponuda za postupak nabavke usluge unajmljivanja uređaja za poslove centraliziranog printanja, kopiranja i skeniranja, koji će biti instalirani u zgradi Općine Vogošća za period od 30 (trideset) dana, a kako bi ugovorni organ mogao nastaviti postupak javne nabavke.

Također je ponuđačima napomenuto da ukoliko isti ne dostave tražena izjašnjenja ili ne odgovore pozitivno na zahtjev ugovornog organa u vezi sa produženjem perioda važenja svojih ponuda, da će se isto smatrati kao odbijanje zahtjeva ugovornog organa, te se ponude ponuđača "Kamer Commerce" d.o.o. Sarajevo i "Imtec" d.o.o. Sarajevo neće razmatrati u daljem toku postupka.

Iz navedenih razloga, obzirom da ponuđači sa formalno-pravno ispravnim ponudama "Kamer Commerce" d.o.o. Sarajevo i "Imtec" d.o.o. Sarajevo nisu pristali na produženje svojih ponuda koje su istekle dana 30.03.2020. godine, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke usluge unajmljivanja uređaja za poslove centraliziranog printanja, kopiranja i skeniranja, koji će biti instalirani u zgradi Općine Vogošća, iz razloga jer nijedna od primljenih ponuda nije prihvatljiva, a u skladu sa članu 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

- |  |             |
|--|-------------|
| 1. "Imtec" d.o.o. Sarajevo                               | 033/428-965 |
| 2. "Konica Minolta poslovna rješenja BH" d.o.o. Sarajevo | 033/721-303 |
| 3. "Printex" d.o.o. Sarajevo                             | 033/445-573 |
| 4. "Kamer Commerce" d.o.o. Sarajevo                      | 033/763-772 |
| 5. Nadležnoj Službi                                      |             |
| 6. U dosije  |             |
| 7. a/a   |             |



OPĆINSKI NAČELNIK

Edin Smajić  
Edin Smajić